



ГАДААДЫН ИРГЭН, ХАРЬАТЫН
ГАЗРЫН ДАРГЫН
ТУШААЛ

2019 оны 07 сарын 05 өдөр

Дугаар A/245

Улаанбаатар хот

┌ Мэдээллийн технологийн нэгжийн албан
хаагчид мэргэшлийн зэрэг олгох шалгуур
батлах тухай

Засгийн газрын агентлагийн эрх зүйн байдлын тухай хуулийн 8 дугаар зүйлийн 8.4, Засгийн газрын 2018 оны 382 дугаар тогтоолоор баталсан “Төрийн үйлчилгээний албан хаагчид мэргэшлийн зэргийн нэмэгдэл олгох нийтлэг журам”-ын 3 дугаар зүйлд заасныг тус тус үндэслэн ТУШААХ нь:

1.Мэдээллийн технологийн нэгжийн албан хаагчид мэргэшлийн зэрэг олгох нийтлэг болон тусгай шалгуурыг хавсралтаар баталсугай.

2.Тушаалын хэрэгжилтэд хяналт тавьж ажиллахыг Дэд дарга /Д.Түвшинтөр/-д даалгасугай.

ДАРГА

Д.МӨРӨН

000000937

МЭДЭЭЛЛИЙН ТЕХНОЛОГИЙН НЭГЖИЙН АЛБАН ХААГЧИД
МЭРГЭШЛИЙН ЗЭРЭГ ОЛГОХ ШАЛГУУР

Дараахь нийтлэг болон тусгай шалгуурыг хангасан мэдээллийн технологийн нэгжийн албан хаагчид мэргэшлийн зэрэг олгоно:

Нэг.Нийтлэг шалгуур

- 1.Мэдээллийн технологийн чиглэлээр бакалаврын зэрэгтэй;
- 2.Бакалаврын зэрэг олгосон их, дээд сургууль нь магадлан итгэмжлэгдсэн;
- 3.Мэдээллийн технологийн чиглэлээр нэгээс доошгүй жил ажилласан;
- 4.Орчин үеийн техник, технологийг бие даан судалдаг, өөрийгөө хөгжүүлдэг;
- 5.Судалгаа хийх, үр дүнг боловсруулах, багаар ажиллах, гадаад хэлний зохих төвшний мэдлэг, чадвартай.

Хоёр.Тусгай шалгуур

1.I зэрэг олгоход:

- 1.1.Мэдээллийн технологийн тусгайлсан сертификаттай сургалтад гурав ба түүнээс дээш удаа хамрагдсан;
- 1.2.Байгууллагад дөрвөөс доошгүй жил ажилласан;
- 1.3.Сүүлийн хоёр жилийн хөдөлмөрийн гэрээний биелэлтийн үнэлгээг А (Маш сайн) болон "Бүрэн хангалттай" үнэлэгдсэн;
- 1.4.Жил тутам нэгээс дээш ажлын хэсэгт орж ажилласан байх.

2.II зэрэг олгоход:

- 2.1.Мэдээллийн технологийн тусгайлсан сертификаттай сургалтад хоёр ба түүнээс дээш удаа хамрагдсан;
- 2.2.Байгууллагад хоёроос доошгүй жил ажилласан;
- 2.3. Сүүлийн хоёр жилийн хөдөлмөрийн гэрээний биелэлтийн үнэлгээг В (Сайн) болон "Хангалттай" үнэлэгдсэн.

3.III зэрэг олгоход:

- 3.1.Мэдээллийн технологийн тусгайлсан сертификаттай сургалтад нэг ба түүнээс дээш удаа хамрагдсан;
- 3.2.Байгууллагад нэгээс доошгүй жил ажилласан.

.....оОо.....